



Andoaingo Udala

JARDUERA FISIKOA ETA KIROLA

Kodea:
2026AAH20013

Lankidetza Hitzarmena

Espediente zk.: 2026AAH20013

Gaia: Gipuzkoa Kirol Egokituaren Federazioa. Desgaitasunari arreta kirolean 2026 Andoainen.

Eskatzailea: GIPUZKOAKO KIROL EGOKITUAREN FEDERAZIOA

IFK: G20372041

ZUZENeko DIRU-LAGUNTZA NOMINATIBOA EMATEKO HITZARMENA

Andoainen, sinaduraren datan.

BILDURIK:

Batetik, **Andoni Alvarez Lete** Jn., Andoaingo Udaleko Alkatea, Andoaingo Udalaren izenean eta ordezkari gisa, Toki Jaurpideko Oinarriak arautzen dituen apirilaren 2ko 7/85 Legean xedatutakoaren arabera.

Eta bestetik, **Blanca Aranguren Achotegui** Anderea., adinez nagusia eta ***8379** zenbakidun NAN duena, Gipuzkoako Kirol Egokituaren federazioaren lehendakari gisa.

Bertan da baita ere Udaleko Idazkaria den **Unai Rekondo Pérez** jn. ekintzaren fede emateko.

Administrazio aurrekariak

1. Andoaingo Udalak 2026-2028 aldirako DPE-Dirulaguntzen Plan Estrategikoa onartu zuen 2026-05-27ko 2026/1500 alkate-dekretuaren bitartez.
2. Gipuzkoako Kirol Egokituaren Federazioa irabazi asmorik gabeko elkarte da, Donostiako Anoeta pasalekua 5ean egoitza duena eta kirol egokitua sustatzea helburu duena.
3. Gipuzkoako Kirol Egokituaren Federazioa desgaitasuna duten kirolariei zuzendutako kirola eta behar duten arreta antolatzen dute Gipuzkoan.
4. Hitzarmen honen helburua Gipuzkoako Kirol Egokituaren Federazioa eta Udalaren arteko harremana erregulatzea da, Andoainen kirol egokituko eskaintza garatzea bere laguntza teknikoa bitartez, eta zabaldu eta ikustaraztea ikastetxeei zuzenduriko jardueren bitartez edota Udalak



Andoaingo Udala

JARDUERA FISIKOA ETA KIROLA

Lankidetzeta Hitzarmena

antolatzen dituen ekintzen antolaketan lagunduz.

5. 2026/03/13ko datarekin Gipuzkoako Kirol Egokituaren Federazioak laguntza ekonomikoa eskatu du 2026 urteetan zehar Andoaingo Udalarekin elkarlanean antolatutako ekintzek eta emandako laguntza teknikoak eragindako gastuei aurre egiteko, 12.000,00 euro eskatu dituzte.

6. Andoaingo Udalari eta organo emaileari jarduteko eskumena ematen dien araudiak honako hauek dira: 2/2016 Legearen, apirilaren 7koa, Euskadiko Toki Erakundeena, 17.1.19 artikulua, 38/2003 Lege Orokorraren, azaroaren 17koa, Diru laguntzei buruzkoa 9.4 artikulua eta 40/2025 Legearen, urriaren 1koa, Sektore Publikoaren Araubide Juridikoari buruzkoa 21.1 artikulua.

7. Gipuzkoako Kirol Egokituaren Federazioak Andoaingo udalerrian kirol egokitua zaintzeko eta garatzeko egiten duen ekarpen ekonomikoak zorrotz betetzen ditu Diru laguntzei buruzko azaroaren 17ko 38/2003 Lege Orokorraren 2.1 artikuluan eskatzen diren baldintzak, honako kontsiderazio hauen arabera:

- a) Zuzeneko kontraprestaziorik eza: Administrazio emailearen aldeko merkataritza- edo ondare-arloko kontraprestaziorik gabe ematen da laguntza, eta onura soziala zerbitzuaren erabiltzaileei zuzentzen zaie oso-osorik.
- b) Izaera finalista eta afektazioa: Andoainen kirol egokituko zerbitzua emateko beharrezkoak diren kostu teknikoak, langile espezializatuen kostuak eta materialen kostuak ordaintzera hertsiki baldintzatuta dago diru laguntza.
- c) Justifikatzeko betebeharra: Erakunde onuradunak (Gipuzkoako Kirol Egokituaren Federazioa) programaren helburuak bete beharko ditu eta, ondoren, justifikazio-kontua (memoria teknikoak eta gastuen fakturak) aurkeztu beharko du, funtsen erabilera publikoa ziurtatuz.
- d) Lehen mailako interes soziala eta onura publikoa: Proiektuak zuzenean sustatzen ditu desgaitasuna duten pertsonen gizarteratzea, osasuna eta aukera-berdintasuna Andoainen. Jarduera federazio tekniko espezializatu baten esku uztean, kirol-jarduera segurua, egokitua eta kalitatezkoa bermatzen da, herritar guztientzako kirola sustatzeko tokiko eskumenekin bat datorrena.

8.- Gipuzkoako Kirol Egokituaren Federazioa 2026 urtean Andoainen desgaitasunari emango dio arreta kirolean ondorengo gaitetan:

-Eskola kirol egokitua: 6-21 urte bitarteko haur eta gazteentzat, aretoan eta igerilekuan kirol hastapena egiteko talde zehatzak antolatzea. (Aretoan Arrate frontoian astelehenetan, igerilekua ostegunetan).

-Ur festa igerilekuan 2026ko ekainaren 19an: begiraleak jarri desgaitasuna duten haurrekin egoteko.

-Udaleku irekiak 2026: Uztailean goizez (09:30-13:30) desgaitasuna duten gaztetxoentzat aisialdi eskaintza kirol jarduerak eginez.

-Sentsibilizazio saioa herriko 3 ikastetxeekin (LH 6 mailakoekin) Allurralde kiroldegian.

-Mugitu Andoain ekimenaren baitan, futbol, eskubalo, saskibalo eta palako topaketak antolatu herriko elkarteekin batera.



Andoaingo Udala

JARDUERA FISIKOA ETA KIROLA

Lankidetza Hitzarmena

-Aholkularitza zerbitzua kiroldegiko eskaintzaren barruan eta herriko kirol elkarteetan.
Formakuntza kiroldegiko begiraleei (igeriketa taldeetarako).

9. 2026ko Andoaingo udaleko aurrekontuetan, “Kirol egokitua federazioa hitzarmena” izeneko partida bat dago: 12.000,00 eurokoa 1 1000 481.342.00.07.2026 zenbakia (130 kodea) duena.

10. Gipuzkoako Kirol Egokituaren Federazioak aurkeztutako eskaera ikusita, eta gastuen eta dirusarreraren behin betiko aurrekontua kontuan hartuta, 2026. urteko aurrekontuen kargu, 12.000,00 euroko diru laguntza ematea onartzea, Andoaingo kiroleko desgaitasunari arreta emateko.

Azaldutakoaren arabera Andoaingo Udalak eta Gipuzkoako Kirol Egokituaren Federazioak erabaki dute hitzarmen hau sinatzea, eta hitzarmenak ondorengo klausulei jarraiki arautuko da, bertan jasotzen baitira aldean konpromisoak diru laguntza ematea burutu dadin.

HITZBAKETAK

1. HITZARMENAREN XEDEA.

Hitzarmenaren xedea da Andoaingo desgaitasunari kirolean arreta emateak eragindako aurreikusitako gastuei aurre egiteko 12.000,00 euroko diru laguntzaren baldintzak eta konpromisoak eratzea.

2. AURREKONTUA ETA FINANTZIAZIOA.

Diru laguntzaren gehieneko diru kopurua 12.000,00 eurokoa izango da, 1 1000 481.342.00.07.2026 2026 partidaren kargura.

3. HITZARMENAREN IRAUPENA.

Lankidetza hitzarmen hau 2026 urterako sinatzen da, eta horren likidazio zuriketa 2026.12.31 baino lehen aurkeztuko da.

4. ANDOAINGO UDALAREN KONPROMISOAK.

a) Gipuzkoako Kirol Egokituaren Federazioari 12.000,00 euroko diru laguntza ordainduko zaio era honetan: 7.200,00 euro (%60a), hitzarmena sinatu ondoren, eta 4.800,00 euro (%40a) diru



Andoaingo Udala

JARDUERA FISIKOA ETA KIROLA

Lankidetza Hitzarmena

laguntzaren diferentzia epean aurkeztu behar duten likidazioa eta zurigarriei oniritzia eman ondoren.

b) Udalak eskatutako udal instalazioen erabilpena baimenduko dio federazioari.

c) Udalak ekimenak burutzeko beharrezko baimenak emango ditu.

5. DIRU LAGUNTZAREN ENTITATE ONURADUNAK HARTURIKO KONPROMISOAK.

Hitzarmen honi jarraiki diru laguntzaren onuradunak harturiko konpromisoak hauek dira:

a) Gipuzkoako Kirol Egokituaren Federazioak Andoaingo desgaitasunari kirolean arreta emango dio, aurkezturiko dokumentazioaren arabera. Proiektua hitzarmen honekin batera doa eranskin gisa, eta aurreikusiriko epean gauzatuko da.

b) Beharrezkoak diren udal baimenak edo bestelakoak eskatzea.

c) Euskal Autonomia Erkidegoan garatzen diren jendaurreko ikuskizunak eta jolas jarduerak arautzen dituen 10/2015 Legearen helburua betetzea, hau da, ziurtatzea jendaurreko ikuskizun eta jolas jarduerak garatzerakoan bermatzen direla partaide eta ikusleen segurtasuna eta osotasuna, eta herritarren bizikidetza ere, eta ez dela ordena publikoa hausten.

d) Ordenantzan eta Legean onuradunei ezarritako eginbide guztiak bete beharko ditu, eta batez ere:

- Diru laguntza eman duen erakundean justifikatu beharko du betekizunak eta baldintzak beteko dituela, hala nola jarduera burutu eta diru laguntza emateak edo izateak zehazten duen helburua beteko duela.

- Eskumeneko erakundeak egin beharreko egiaztatze jarduerak onartuko ditu, eta eskatzen zaion informazioa ekarriko du.

- Beste diru laguntza batzuk jasotzen baditu diru laguntza eman duen erakundeari jakinaraziko dio, hala nola bestelako laguntzak, diru sarrerak edo diruz lagunduriko jarduerak finantzatzen dituzten baliabideak. Hori guztia jakinaraziko beharko da jakin bezain laster, eta, hala balegokio, hartu beharreko diru-kopuruak kobratuko direla justifikatu aurretik.

- Ordainketak egiteko, zerga betebeharretan eta gizarte segurantzaren arlokoetan egunean daudela egiaztatu beharko dute.

- Kontabilitate liburuak izango ditu, tramitaturiko erregistroak eta bestelako dokumentazioa behar bezalako kontu-ikuskaritza eginda merkataritzako eta sektoreko legeak eskaturiko baldintzetan. Izan ere, era horretan helburu da egiaztatze eta kontrol eskumenak behar bezala burutuko direla



Andoaingo Udala

JARDUERA FISIKOA ETA KIROLA

Lankidetza Hitzarmena

bermatzea.

- Jasotako diru kopuruen aplikazioaren justifikazio dokumentuak gordeko ditu, dokumentu elektronikoak barne, egiaztatu eta kontrolatu daitezkeen bitartean, hau da lau urteko epean zehar, alegia.

e) Jasotako diru kopuruak itzuliko ditu, baldin eta Legearen 37. artikuluan aurreikusiriko egoerak gertatzen badira.

f) Hizkuntza ofizialen erabileraren alorreko klausulak: Euskadiko Jarduera Fisikoari eta Kirolari buruzko martxoaren 30eko 2/2023 Legearen 25. artikuluari jarraituz, Euskal Autonomia Erkidegoko herri-administrazioek, beren eskumenen esparruan, beren gobernu-jarduna zuzenduko dute, herritarrek jarduera fisika eta kirola egin ahal izateko euskararen erabilera sustatzeko.

Elkartearen jardun subentzionatuetan argitaratzen diren idatzi, iragarki, ohar eta gainerakoak euskaraz edo euskaraz eta gaztelaniaz idatzi eta ezagutzera eman beharko du, propaganda ere, bai ahozkoa bai idatzizkoa, euskaraz edo euskaraz eta gaztelaniaz egin beharko duelarik, betiere mezuaren hartzaileen hizkuntza ezaugarriak kontuan hartuz.

Era berean, ospakizun konkretuetan bozgorailu bidez ematen diren mezuak ere euskaraz edo euskaraz eta gaztelaniaz eman beharko dira. Euskaraz eta gaztelaniaz egiten diren adierazpenetan, eta batez ere ahozkoetan, euskarazkoari eman beharko zaio lehentasuna, euskarazko adierazpenez jabetu litezkeenak elebidunak baitira.

g) Berdintasunerako klausula: Diru laguntzaren entitate onuradunak bete beharko ditu 1/2023 Legegintzako Dekretua, martxoaren 16koa, Emakumeen eta Gizonen Berdintasunerako Legearen eta Emakumeen aurkako Indarkeria Matxistarik Gabeko Bizitzetarako testu bateginean ezarritakoak.

Emakumeen eta Gizonen Berdintasunerako eta Emakumeen aurkako Indarkeria Matxistarik Gabeko Bizitzetarako Legearen testu bategina onartzen duen martxoaren 16ko 1/2023 Legegintzako Dekretuaren 23. artikuluan xedatutakoa betetzeko, diru laguntzak ematean ezarritako betebeharrak bete direla justifikatzeko memorian sexuaren arabera bereizitako informazioa emango zaie emandako zerbitzuaren azken onuradunei edo erabiltzaileei, erakundearen titularrei eta erakundeko plantillari, eta, hala badagokio, diru laguntzaren xede den zerbitzua emateko kontratatutako erakundeari.

Dokumentazio guztiak, publizitateak, irudiak edo materialek hizkuntza eta ez sexista erabiliko dute, emakumeak diskriminatzeko edozein irudi edo estereotipo sexista saihestuko dute, eta berdintasun, presentzia orekatu, bestelakotasun, erantzunkidetasun, eta genero identitate aniztasunerako balioak sustatuko dituzte.

Udalak bultzaturiko edo hartutako genero indarkeriaren aurkako neurri bereziak edo martxan jarritako kanpainak zabaltzen parte hartze aktiboa izango da.



Andoaingo Udala

JARDUERA FISIKOA ETA KIROLA

Lankidetza Hitzarmena

h) Ingurumenaren alorreko klausula: Diru-laguntzaren entitate onuradunak, oro har, ingurumeneko irizpideak hartu beharko diru ondorengo alorretan: (1) aurrezte eta energia eraginkortasuna, (2) hondakinen frakzio ezberdinen kudeaketa eta bilketa, honek sortzeari aurea hartzeaz gain, (3) tokiko aniztasunari kalterik ez sortzea (habitat naturalak, espezieak eta prozesu ekologikoak), (4) baliabide naturalak aurrezte (ura, kontsumo iraunkorra), (5) sorturiko hondakin-uren behar bezalako bilketa, (6) mugikortasun iraunkorra sustatzea, eta (7) indarrean dagoen araudiak ezarritako gehieneko mugak gaindiko zaratarik ez sortzea eta herritarrekiko eta ingurumenarekiko kalitate akustikoa bermatzea.

Paperezko euskarrian Udaletxean aurkeztu beharreko dokumentazioari dagokionez, %100ean birziklaturiko papera izango da, batere klororik gabekoa, eta bi aldeetatik inprimatuta.

i) Jarduera eta erabiliko hedabide guztietan (irradi, prentsa, kartel, eskuko programa, etab.) jasota utzi beharko da proiektua finantzatzeko Andoaingo Udalaren lankidetza, esaldi honen arabera: "Andoaingo Udalaren laguntzarekin". Esaldi horri Herribilduaren armarrria gehituko zaio, hedabidea idatzia bada. Baldintza hori bete beharko da laguntzaile bakarria Andoaingo Udala denean, hala nola babesa beste laguntzaile batzuekin banatzen denean. Azken kasu honetan arestiko esaldiaren tamaina gutxienez erabiliko den handienaren adinakoa izango da.

Egitarauetan, kartel nahiz programetan, Andoaingo Udalaren laguntza azalduko da modu berezi eta argian.

Edozein euskarri inprentara bidali aurretik, Udalari PDF formatuan bidaliko diote honek azken oniritzia eman dezan eta sareetan zabaldu dezan.

Behin inprentatik jaso ondoren, paperezko euskarriaren ale bat Allurralde kiroldegia egoitza duten Udalaren Jarduera Fisikoa eta Kiroleko bulegoetan utziko dira.

6. DIRU LAGUNTZARI EGIN BEHARREKO JARRAIPENA ETA JUSTIFIKAZIOA.

Andoaingo Udalak, Jarduera Fisikoa eta Kirola saileko teknikariaren bitartez, jarraipena egingo du eta diru laguntzaren justifikazioa egokia dela egiaztatuko du, eta, era berean, jarduera gauzatu dela eta diru laguntza eman edo izateko zehazturiko helburua bete dela.

Diru laguntzaren entitate onuradunak, 2026/12/31 baino lehen, Udalean aurkeztu beharko du diru laguntzaren xede duen proiektuaren garapenaren memoria bat. Bertan Gipuzkoako Kirol Egokituaren Federazioaren ekimena burutzeko aurreratu diren gastuei buruzko azalpenak emango dira.

Gastuak egiaztatuko dira ordain agirien edo merkataritzako trafiko juridikoan balio frogagarri baliokidea edo administrazio eraginkortasuna duten bestelako dokumentuen bidez.

Jarduerak, diru laguntzaz gain, finantzatu direnean, norberak dituen diru sarrerekin edo bestelako



Andoaingo Udala

JARDUERA FISIKOA ETA KIROLA

Lankidetza Hitzarmena

diru laguntzekin edo baliabideekin, justifikazioan zenbatekoa egiaztatu beharko da, nondik datorren eta zein den diru sarrera horien aplikazioa diruz lagunduriko jardueretan.

- Gastuak: izandako gastu guztien likidazio zerrenda bat aurkeztuko da eta zerrendan azaltzen den zenbakiarekin bat etorri behar du gastu hori zuritzeko aurkezten den faktura edo tiketak.

Likidazioetan ondorengo gastu-zurigarriak onartuko dira:

** Nominak.*

** Gizarte Segurantzako RLC edota RNT dokumentuak.*

** Pertsona fisikoen errentaren gaineko zergaren aitorpenari buruzko atxikipenen aitorpenaren 110 eta 111 dokumentuak.*

** Finantza erakundeek egindako Banku zorpetzeko karguen ziurtagiri edo dokumentuak, faktura baten datuak dituztenak, zenbakia eta seriea izan ezik.*

** Fakturak. Informazio fiskala osoa jaso beharko dute; hau da: ematen eta jasotzen denaren identifikazioa (izen deiturak, NA edo IZK, helbidea, telefonoa); faktura zenbakia, data, eta BEZ.*

** Auto-faktura (hirugarren interesatuak hori kobratzeari dagokion banku mugimenduaren kopiarekin batera joan beharko du, edo horrelakorik ezean, baliokidea den beste edozein dokumenturen kopiarekin).*

** Faktura sinplifikatuak edo tiketak. Bakarrik onartuko dira 400 eurotik beherakoak. Beti ere datu fiskalak barne dituela, ematen duena ondo identifikatuta egon behar du, eta erosketaren kontzeptua identifikatuta azalduko da. Ez dira eskuz idatzitako oharrik onartuko.*

** Sariak: 300€ edo gutxiagoko sarien kasuan, banku transferentziaren ordainagiria eta jaso-agiria aurkeztu beharko dira, 300€ baino gehiagoko sarien kasuan, gainera, dagokion atxikipenaren aitorpenaren Foru Ogasuneko egiaztagiria aurkeztu beharko da.*

** **Lokalen alokairuek** edo amortizazioak sortutako gastuak zuritzeko kontratua, jaso agiriak eta transferentzia agiria aurkeztu beharko dira. Talde batek bere jabetzako lokala erabiltzen badu edo alokairuan badu, kreditu edo amortizazioagatik ordaindutako kopuruen %50 zuritzea onartuko zaio, **3.000 euroko mugarekin**.*

** **Lokalaren horniketen** kasuan (Telefonoa, gasa, ura, argindarra,...) ezin dute diru laguntzaren **%30** baino gehiago izan, izan ere garrantzitsuena iharduera baita.*

** **Elkarte bakoitzak du SGAE erakundeari dagokion kopurua ordaintzeko erantzukizuna.***



Andoaingo Udala

JARDUERA FISIKOA ETA KIROLA

Lankidetza Hitzarmena

- Sarrerak : izandako sarrera guztien zerrenda ere aurkeztuko da eta kontzeptu bakoitzaren zenbatekoa idatziko ere. Sarrera egiaztagarri ofizialik ez dagoenean, emailearen edo hartzailearen zinpeko idatzia aurkeztuko da.

Balantzea elkarteko ordezkariak sinatuta aurkeztu beharko da.

7. BATERAGARRITASUNA BESTE DIRU LAGUNTZA PUBLIKOEKIN.

Hitzarmen honek arautzen duen diru laguntza bateragarria izango da helburu bera duten bestelako diru laguntza, laguntza, diru sarrera edo baliabideekin, bestelako administrazioetatik edo erakunde publikoetatik edo pribatuetatik datozenak.

Dena den, diru laguntza hau bateraezina da helburu berarentzat Andoaingo Udaletik edota bertako organismo autonomoetatik datozen bestelako diru laguntzak edo laguntzat hartzearekin. Era horretan, entitate onuradunak uko egiten dio edozein laguntza edo diru laguntza motari egokituko ahalko litzaiokeena Udalaren departamentuek edo organismo autonomoek diru laguntzetarako eginiko deialdien arabera.

Hala guztiz ere, emandako laguntzen zenbatekoa, bakarrean edo batera, inola ere ezingo da izan diru laguntzaren xedearen balioa baino handiagoa.

8. HITZARMENA EZ BETETZEA ETA DIRU LAGUNTZA ITZULTZEA.

Diru laguntzaren entitate onuradunak bete beharreko edozein eginkizun ez betetzeak ekarriko du diru laguntza berrikustea edo indarrik gabe uztea, eta hala balegokio, emaniko diru kopurua gutxitzea edo itzultzea. Hori guztia aurreikusita dago Ordenantzan eta Legean. Dena den, erantzukizunak eskatu ahal izango zaizkio.

Izaniko ez betetzeak mailakatzeko proportzionaltasun irizpidea erabiliko da.

Ezingo balitz edo interesik ez balego lan garapena jarraitzeko proiektuaren bideragarritasunari edo izaerari atxikiriko arrazoiak edo behar bezala justifikaturikoak bestelakoak direla eta, bi aldeek adostu ahal izango dute hitzarmena bertan behera uztea edo etetea.

9. DATU PERTSONALAK BABESTEA.

Datu pertsonalak tratatuko balira, bi aldeek adosten dute Datu Pertsonalak Babesteko apirilaren 27ko 2016/679 Europako Erregelamenduak eta abenduaren 5eko 3/2018 Lege Organikoak ezarritakoa betetzea.



Andoaingo Udala

JARDUERA FISIKOA ETA KIROLA

Lankidetza Hitzarmena

10. LAN ARRISKUEN PREBENTZIOA.

Diru laguntzaren entitate onuradunak, proiektuaren edo diruz lagunduriko jardueretan, indarrean dagoen araudia beteko du lan arriskuak prebenitzeko alorrean, azaroaren 8ko 31/1995 Legea, Lan Arriskuen Prebentzioari buruzkoa, eta berau garatzeko araudia.

11. ARAUBIDE JURIDIKOA.

Hitzarmen honek administrazio izaera du, eta horregatik interpretazioa eta garapena arautuko dira ordenamendu juridiko administratiboak ezarritakoaren arabera.

Hitzarmen honetan jarri gabe geratu diren alderdi guztietan administrazio alorrean indarrean dagoen legeria ezarriko da eta, batik bat, Andoaingo udalean diru-laguntzak ematea arautzeko udal ordenantza, azaroaren 17ko Diru laguntzei buruzko 38/2003 Lege Orokorrean ezarrikoa uztailaren 21eko 887/2006 Errege Dekretuan, non bertan onartzen den azaroaren 26ko Diru laguntzei buruzko 38/2003 Lege Orokorrearen Arautegia, urriaren 1eko 39/2015 Legean, Herri Administrazioen Administrazio Prozedura Erkideari buruzkoa eta urriaren 1eko 40/2015 Legean, Sektore Publikoaren Araubide Juridikoari buruzkoa. Subsidiarioki, zuzenbide pribatuko arauak aplikatuko dira.

12. ESKUMENeko JURISDIKZIOA.

Aldeen artean sor daitezkeen auziak ebazteko eskumena izango dute Administrazioarekiko auzien Donostiako Epaitegiek, eta, era horretan bi aldeek onartzen dute epaitegi horien lurralde eskumena.

Aurreko guztiarekiko adostasuna erakusteko, parte hartzen duten aldeek hitzarmen hau sinatzen dute, bi aletan eta eragin bakarrerako, idazpuruan adierazten den idazpuruan.

**Gipuzkoako Kirol Egokituaren Federazioaren
izenean**

Blanca Aranguren Achotegui

**Udaren izenean
Andoaingo Alkatea**

Andoni Alvarez Lete

Fede ematen du,
UDALEKO IDAZKARIA

Unai Rekondo



Andoaingo Udala

JARDUERA FISIKOA ETA KIROLA

Lankidetza Hitzarmena



EKS | CSV: ESKUf4395b8e-1392-444a-84e7-9e7dc7d7d3c6

Egiaztatu dokumentu honen osotasuna eta sinadura hurrengo URL edo QR kodean sartuz: <https://udal.egoitza.gipuzkoa.eus?De=00910>

Compruebe la integridad y firma de este documento, accediendo a la siguiente URL o código QR: <https://udal.egoitza.gipuzkoa.eus?De=00910>